

MØTEBOK

Organ	Fylkesutvalet
Møtestad	Leikanger - Fylkeshuset, møterom Sygna
Møtedato	29.05.2019
Kl.	09:00 – 16:10

Faste medlemmer til stades:

Jenny Følling, Sp
Sigurd Reksnes, Sp
Aleksander Øren Heen, Sp
Trude Brosvik, KrF
Åshild Kjelsnes, Ap
Helen Hjertaas, Ap
Bjørn Erik Hollevik, H
Gunhild Berge Stang, V

Forfall til møtet:

Hilmar Høl, Ap

Varamedlemmer til stades:

Jakob André Sandal, SV

Til stades med møte- og talerett:

Tore Eriksen

Sekretariat for møtet:

Svein Hågård og Marit Silje Husabø

Ingen merknader til innkalling og sakliste.

Fylkesutvalet valde fylkesordføreren og Trude Brosvik til å godkjenne møteboka på vegner av organet.

Fylkesutvalet handsama sakene 43/19 – 51/19 kronologisk. Deretter handsama utvalet sakene 54/19 – 56/19, etter det sakene 52/19 og 53/19, før utvalet handsama sak 57/19. Til slutt handsama utvalet sakene 59/19, 58/19 og 60/19 i nemnde rekkjefølgje.

Munnlege orienteringar og avklaringar:

1. Fylkestinget sitt desemberting vert flytta frå 3. til 10. desember grunna møte i Vestland fylkesutval 3. desember. Fylkesutvalet ber om eit notat/ei sak om endra møteplan for hausten 2019.
2. Fylkesrådmannen orienterte om at Ningxia Sports Bureau frå Kina likevel ikkje kom til UWC Red Cross Nordic, Fjaler, denne våren, jf. skriv 22 i FU-sak 33/19 (8. april).
3. Fylkesdirektøren for samferdsle orienterte kort om arbeidet med Nasjonal transportplan.
4. Regionvegsjef Helge Eidsnes orienterte om framlegget til framtidig organisering av Statens vegvesen.
5. Sogn og Fjordane Energi AS (SFE): Advokatfirmaet Lund & Co, v/adv. Ulf Larsen og adv. Per Andreas Bjørgan, orienterte ut frå ein presentasjon som er journalført i ESA 16/3230-279.

Fylkesutvalet vedtok at orienteringa og den påfølgande drøftinga i utvalet skulle finne stad bak lukka dører, jf. kommunelova § 31 nr. 5, jf. offentleglova § 23 første ledd. Dagleg leiar i Sogn og Fjordane Holding AS, konserndirektør økonomi og finans i SFE og styreleiaren i SFE var til stades. Sistnemnde fekk kome til orde.

Fylkesutvalet fann Gunhild Berge Stang og Jakob André Sandal inhabile til å delta under drøftinga, jf. forvaltningslova § 6 andre ledd.

SAK 43/19 Kinn - Kommuneplanen sin samfunnsdel

VEDTAK:

1. Fylkesutvalet vurderer Kinn kommuneplan sin samfunnsdel til å vere eit kortfatta, konkret og oversiktleg utkast. Mål og strategiar svarar godt på dei utfordringane som er skildra.
2. Samfunnsdelen inkluderer ikkje ein handlingsdel, og det er heller ikkje tydeleggjort korleis mål og strategiar i planen skal takast vidare for å munne ut i konkrete handlingar. Det er eit krav etter plan- og bygningslova § 11.1. at samfunnsdelen skal ha ein handlingsdel.
3. Planstrategien som er utarbeida bør inkluderast som ein del av samfunnsdelen, slik planprogrammet la opp til. Den legg føringar for prioritering i tid og økonomiske ressursar av planar som skal svara på utfordringar i Kinn.
4. Fylkesutvalet vil oppmode kommunen til å inkludera vurderingar, mål og strategiar for utvikling av Flora som regionsenter for kysten.

SAK 44/19 Statnett - bygging av ny 420 KV kraftleidning mellom Aurland og Sogndal.

Frå fylkesrådmannen låg det føre slik tilråding til vedtak:

1. Sogn og Fjordane fylkeskommune støttar tiltaket. Eit velfungerande kraftsystem er avgjerande viktig for nærings- og samfunnsutviklinga i fylket.
2. For delområdet rundt Sogndalsfjorden støttar fylkeskommunen det omsøkte alternativet (1a).
3. Det må leggjast stor vekt på justering av trase og avbøtande tiltak for alle delområda.
4. Før tiltak etter planen kan setjast i verk, skal det gjennomførast arkeologiske registreringar jamfør tiltakshavars undersøkingsplikt etter § 9 i lov om kulturminne

Endringsframlegg:

Fylkesutvalet sette fram slikt framlegg til endring i punkt 2:

For delområdet rundt Sogndalsfjorden ber fylkeskommunen NVE anmode Statnett om at alternativ 2 vert nytta som framtidig trase.

Avrøysting:

Punkta 1, 3 og 4 i fylkesrådmannen si tilråding vart samrøystes vedteke. Framlegget frå fylkesutvalet om endra punkt 2 vart samrøystes vedteke. Punkt 2 i fylkesrådmannen si tilråding fekk ingen røyster.

Dette gir følgjande VEDTAK:

1. Sogn og Fjordane fylkeskommune støttar tiltaket. Eit velfungerande kraftsystem er avgjerande viktig for nærings- og samfunnsutviklinga i fylket.
2. For delområdet rundt Sogndalsfjorden ber fylkeskommunen NVE anmode Statnett om at alternativ 2 vert nytta som framtidig trasé.
3. Det må leggjast stor vekt på justering av trase og avbøtande tiltak for alle delområda.
4. Før tiltak etter planen kan setjast i verk, skal det gjennomførast arkeologiske registreringar jamfør tiltakshavars undersøkingsplikt etter § 9 i lov om kulturminne

SAK 45/19 Høyring av forslag til endringar i friluftslova og forslag til forskrift om fylkeskommunane sine oppgåver på friluftsområdet Regionreforma og kommunereforma

VEDTAK:

1. Sogn og Fjordane fylkeskommune ser positivt på at ansvar knytt til statleg sikra område for friluftsliv og Skjærgårdstjenesten vert overført til fylkeskommunane. Føresetnaden er at tilstrekkelege ressursar vert overført frå stat til fylkeskommune.
2. Forskrifta om fylkeskommunane sine oppgåver på friluftsområdet bør vere klårare når det gjeld ansvaret til fylkeskommunane. Rammestyling bør leggjast til grunn.
3. Statlege sikra friluftsområde bør døypast om til offentleg sikra friluftsområde.

SAK 46/19 Samarbeidsavtale om Distriktsmusikarordninga

VEDTAK:

Fylkesutvalet rår fylkestinget til å gjere slikt vedtak:

Revidert samarbeidsavtale om distriktsmusikarordninga med kommunane Førde, Gloppen, Leikanger og Lærdal vert vedteken slik den ligg føre i vedlegg 1.

SAK 47/19 Mobbeombod for barnehage og grunnskule - forlenging av ordninga

VEDTAK:

Fylkesutvalet rår fylkestinget til å gjere slikt vedtak:

Fylkestinget forlengar ordninga med mobbeombod for barnehage og grunnskule ut 2020.

SAK 48/19 Vitensenter - fylkeskommunal bruk

VEDTAK:

Fylkesutvalet rår fylkestinget til å gjere slikt vedtak:

1. Sogn og Fjordane fylkeskommune inngår ei treårig rammeavtale med Vitensenteret i Sogn og Fjordane AS frå skuleåret 2020-21.
2. Fylkesrådmannen får mynde til forhandle fram innhaldet i rammeavtalen innanfor ei økonomisk ramme på inntil kr 500 000,- per år.
3. Endringar i driftsbudsjettet som følgje av avtalen må innarbeidast i økonomiplan 2020-2023 for Vestland fylkeskommune.

SAK 49/19 Oppfølging av FT sak 25/16 - Arealbehov ved tannklinikkane i Florø og Sogndal

VEDTAK:

Fylkesutvalet rår fylkestinget til å gjere slikt vedtak:

1. Det vert arbeidd vidare med å skaffe nytt areal til ny tannklinikk i Florø. Klinikken skal dimensjonerast for 6 behandlarrom og ha ei sentral plassering i Florø slik det går fram av saksutgreiinga. Fylkesutvalet får fullmakt til å godkjenne endeleg løysing.
2. Arbeidet med å planlegge og bygge ein ny tannklinikk i Sogndal vert sett i gang. Klinikken skal dimensjonerast for 8 behandlarrom og etablerast på fylkeskommunal grunn på Fosshaugane slik det går fram av saksutgreiinga. Fylkestinget godkjenner kostnads-overslaget på 23,5 mill. kr til prosjektet og 4 mill. kr til dentalteknisk innreiing av klinikken.
3. Endringar i drift- og investeringsbudsjettet vert å innarbeide i økonomiplan for 2020-2023 for nye Vestland fylkeskommune.

SAK 50/19 Fv. 303 Seimsdalstunnelen - kostnadsoverslag

VEDTAK:

Fylkesutvalet rår fylkestinget til å gjere slikt vedtak:

1. Fylkestinget godkjenner eit kostnadsoverslag for prosjektet fv. 303 Seimsdalstunnelen på 318,5 mill. 2019-kr.
2. Endringar i drifts- og investeringsbudsjettet som følgje av godkjent kostnadsoverslag for prosjektet vert å innarbeide i budsjett 2019, og i økonomiplan 2020-2023 for Vestland fylkeskommune.

SAK 51/19 Innføring av takst for nullutsleppskøyretøy - Førdepakken

VEDTAK:

Fylkesutvalet rår fylkestinget til å gjere slikt vedtak:

Sogn og Fjordane fylkeskommune aksepterer at det vert innført bompengavgift for nullutslepps-køyretøy i Førdepakken. Nullutsleppskøyretøy til og med 3500 kg skal betale 50 pst. av taksten til takstgruppe 1 etter brikkerabatt. Nullutsleppskøyretøy i takstgruppe 2 skal betale 0 pst. av taksten til takstgruppe 2.

SAK 52/19 Kjøp av rutetenester med båt frå 1. mai 2022 - ekstra utgreiing

VEDTAK:

Fylkesutvalet rår fylkestinget til gjere slikt vedtak:

1. Ved utlysing av kontraktar for nye båtruter, skal det inviterast til lågast mogleg utslepp på alle ruter. Utlysinga må organiserast slik at dei tilboda som totalt sett gjev best nytte/kostnad vinn fram. Både klima/miljø, økonomi og driftsopplegg skal vektleggast.
2. Rute mellom Florø-Måløy-Selje vert lyst ut i anbodet med opsjonar på utvida frekvens/pendlarrute.
3. Det skal leggast til rette for å kome i posisjon til statlege støtteordningar for nye klima- og miljøtiltak.

SAK 53/19 Søknad om finansiell deltaking i nytt hurtigbåttilbod mellom Florø Smørhamn Måløy

**Frå hovudutval for samferdsle låg det føre slik tilråding til vedtak:
Fylkesutvalet rår fylkestinget til å gjere slikt vedtak:**

Søknaden frå fellesnemnda for Nye Kinn kommune om medfinansiering av ny båtrute Flora – Smørhamn – Måløy vert støtta.

Støtta vert ytt som ein eingongssum til Nye Kinn kommune på 4,9 mill. Tilskotet vert finansiert ved å nytte av overskotet til fylkeskommunen i 2018, og utbetalt i 2019.

Endringsframlegg:

Fylkesutvalet sette fram slikt framlegg til vedtak:

Søknaden frå fellesnemnda for Nye Kinn kommune om medfinansiering av ny båtrute Flora – Smørhamn – Måløy vert støtta.

Finansiering som vist i tertialrapport 1/2019.

Avrøysting:

Tilrådinga frå hovudutval for samferdsle fekk ingen røyster.
Framlegget frå fylkesutvalet vart samrøystes vedteke.

Dette gir følgjande VEDTAK:

Fylkesutvalet rår fylkestinget til å gjere slikt vedtak:

Søknaden frå fellesnemnda for Nye Kinn kommune om medfinansiering av ny båtrute Flora – Smørhamn – Måløy vert støtta.

Finansiering som vist i tertialrapport 1/2019.

SAK 54/19 Ferjeavløysing Ytre Steinsund bru - stadfesting av vedtak

VEDTAK:

Fylkesutvalet rår fylkestinget til å gjere slikt vedtak:

1. Fylkestinget syner til vedtak i FT-sak 55/17 og stadfestar at prosjektet Ytre Steinsund bru skal realiserast som eit ferjeavløysingsprosjekt i samsvar med følgjande finansieringsplan:

Finansieringsplan i mill. 2019-kr

Prosjektkostnad	716,8
Avviksløyving (10. pst)	71,7
<u>Sum</u>	<u>788,5</u>

Mva. refusjon	146,5
Fylkeskommunalt lån	639,0
<u>Sum</u>	<u>788,5</u>

2. Fylkestinget gir fylkesutvalet fullmakt til å gjere det endelege stadfestingsvedtaket om investeringsprosjektet når svar på søknad om ferjeavløysingsmidlar frå Kommunal- og moderniseringsdepartementet føreligg.
3. Eventuelle justeringar i driftsbudsjettet som følgje av endeleg fastsetting av årleg ferjeavløysingsbeløp frå Kommunal- og moderniseringsdepartementet vert innarbeidd i økonomiplanen til Vestland fylkeskommune.

SAK 55/19 Rekneskap 2018 for Sogn og Fjordane fylkeskommune

VEDTAK:

Fylkesutvalet rår fylkestinget slikt vedtak:

1. Avsettinga til ubunde disposisjonsfond i investeringsrekneskapen på kr 366 314 538,00 vert godkjent.
2. Rekneskapen for Sogn og Fjordane fylkeskommune for 2018 som syner;

- a. kr 2 274 800 559,82 til fordeling i driftsrekneskapen og eit rekneskapsmessig mindreforbruk på kr 56 505 741,46, vert godkjent.
 - b. kr 1 080 842 140,12 i finansieringsbehov i investeringsrekneskapen og eit udekkka/udisponert beløp på kr 0,00, vert godkjent.
3. Rekneskapsmessig mindreforbruk (overskot) for 2018 på kr 56 505 741,46 vert avsett til bufferfondet.

SAK 56/19 Årsrapport 2018 for Sogn og Fjordane fylkeskommune

VEDTAK:

Fylkesutvalet rår fylkestinget til å gjere slikt vedtak:

Årsrapport 2018 for Sogn og Fjordane fylkeskommune vert teken til orientering.

SAK 57/19 Tertialrapport 1/2019

Frå fylkesrådmannen låg det føre slik tilråding til vedtak:

Fylkesutvalet rår fylkestinget til å gjere slikt vedtak:

A. Det vert gjort slike endringar i driftsbudsjettet for 2019

- 1 Rammetilskotet vert auka med 52,000 mill. kr. Avsetjing til disposisjonsfond vert auka med 29,400 mill. kr
- 2 Lokale inntekter vert auka med 0,075 mill. kr
- 3 Bruk av bundne fond vert auka med 24,826 mill. kr.
- 4 Sektorbudsjettet til politisk styring, plan og forvaltning vert auka med 2,350 mill. kr med slik fordeling:
Teneste 4200 Administrasjon vert auka med 3,600 mill. kr
Teneste 4600 Oppgåver utanfor ord. FK område vert redusert med 3,000 mill. kr knytt til kostnader ved samanslåingsprosessen
Teneste 4600 Oppgåver utanfor ord. FK område vert auka med 0,250 mill. kr knytt til tilskot til Redningsselskapet.
Teneste 4801 Juridisk honorar vert auka med 1,500 mill. kr
- 5 Sektorbudsjettet til opplæring vert redusert med 2,500 mill. kr med slik fordeling:
Teneste 5100 Utgifter til lokale vert redusert med 0,910 mill. kr
Teneste 5101 Vedlikehald og drift av skulebygg vert auka med 1,645 mill. kr
Teneste 5151 Fellesutgifter vert redusert med 2,500 mill. kr
Teneste 5590 Landsliner vert redusert med 0,735 mill. kr
- 6 Fagskulen i Sogn og Fjordane får ei auka løyving på 0,469 mill. kr. Løyvinga vert dekkja innafor tilgjengelege midlar på teneste 5540 Fagskulen.
- 7 Sektorbudsjettet til samferdsle vert auka med 22,600 mill. kr med slik fordeling:
Teneste 7222 Fylkesveggar – drift og vedlikehald vert auka med 15,000 mill. kr
Teneste 7210 Fylkesvegferjer vert auka med 7,600 mill. kr

- 8 Tilbakeførte midlar frå Innovasjon Norge på 1,638 mill. kr vert inntektsført på sektoren næring og kultur. Midlane vert nytta til breibandsatsing i 2019.
- 9 Samla vert driftsbudsjettet saldert ved avsetjing til bufferfondet med 25,025 mill. kr

B. Det vert gjort slike endringar i kapitalbudsjettet for 2019

- 1 Investeringsprogrammet for bygg med tilhøyrande finansieringsplan vert endra i samsvar med vedlegg 4.
- 2 Investeringsprogrammet for fylkesveggar med tilhøyrande finansieringsplan vert endra i samsvar med vedlegg 5.

C. Andre områder

- 1 Rapportering på finansporteføljen i vedlegg 7 vert teken til vitande.
- 2 Rapportering på konsesjonskraftomsetjing i vedlegg 8 vert teken til vitande.

Endringsframlegg:

Fylkesrådmannen la fram ei endring av tilrådinga:

Nytt pkt. 3: Bruk av bundne fond vert auka med 24,826 mill. kr og bruk av disposisjonsfond vert auka med 19,641 mill. kr.

Kristeleg Folkeparti sette fram slikt framlegg til vedtak:

Det vert løyvd 8 mill til vidare breidbandsutbygging, finansiert frå bufferfondet.

Høgre og Venstre sette fram slikt framlegg til vedtak:

Det vert sett av slik vedlegget viser, samla kr 60,25 mill til følgande prosjekt:

Virtuelle campus 4 mill, i tillegg til løyving som ligg inne frå før. Til saman kr 7 mill

Styrka breiband med 10 mill utover det som er løyvd frå før

Fellesmagasin 15 mill

Njøs frukt og bær 4 mill

Fruktlager 15 mill

Astruptunet 1,4 mill

Båtrute Florø-Måløy 4, 85 mill

Mineralrådet 1,5 mill

Skredsenter/Bratt Moro 2,25 mill

Overskytande bufferfondet vert å ta frå overskotet 2018

Senterpartiet, Arbeidarpartiet, Kristeleg Folkeparti og Sosialistisk Venstreparti sette fram slikt framlegg til vedtak:

Fylkesutvalet syner til overskotet i 1. tertial og set av rammene nedanfor til dei ulike søknadane

Fjordane Virtuelle Campus: 3 mill frå HNK + 5 millionar

Njøs Næringsutvikling: 4 millionar frå HNK + 2 millionar

Felles fruktlager Lærdal 15 millionar

Bratt moro Sogndal: 2,25 million

Astruptunet Jølster: 1,4 million

Båtrute Vågsøy-Flora: 4,85 millionar

Fellesmagasin Ramstad : 20 mill

Samla ramme til desse søknadane vert 50,50 millionar.
Restfinansieringa vert gjennom bufferfondet

Felles for alle søknadane må vere at dei er innanfor statstøtteregulverket og at prosjekta vert fullfinansierte.

Fylkesrådmannen får i oppgåve å følgje opp søknadane innanfor rammene som ovanfor.

Avrøysting:

Gunhild Berge Stang og Bjørn Hollevik røysta for framlegget frå Høgre og Venstre. Framlegget vart såleis forkasta.

Jenny Følling, Sigurd Reksnes, Aleksander Øren Heen, Åshild Kjelsnes, Helen Hjertaas, Trude Brosvik og Jakob André Sandal røysta for framlegget frå Senterpartiet, Arbeidarpartiet, Kristeleg Folkeparti og Sosialistisk Venstreparti, som såleis vart vedteke.

Trude Brosvik, Gunhild Berge Stang og Bjørn Hollevik røysta for framlegget frå Kristeleg Folkeparti. Framlegget vart såleis forkasta.

Fylkesrådmannen si tilråding, med endring i punkt 3, vart samrøystes vedteken.

Dette gir følgjande VEDTAK:

Fylkesutvalet rår fylkestinget til å gjere slikt vedtak:

A. Det vert gjort slike endringar i driftsbudsjettet for 2019

- 1 Rammetilskotet vert auka med 52,000 mill. kr. Avsetjing til disposisjonsfond vert auka med 29,400 mill. kr
- 2 Lokale inntekter vert auka med 0,075 mill. kr
- 3 Bruk av bundne fond vert auka med 24,826 mill. kr og bruk av disposisjonsfond vert auka med 19,641 mill. kr.
- 4 Sektorbudsjettet til politisk styring, plan og forvaltning vert auka med 2,350 mill. kr med slik fordeling:
 - Teneste 4200 Administrasjon vert auka med 3,600 mill. kr*
 - Teneste 4600 Oppgåver utanfor ord. FK område vert redusert med 3,000 mill. kr knytt til kostnader ved samanslåingsprosessen*
 - Teneste 4600 Oppgåver utanfor ord. FK område vert auka med 0,250 mill. kr knytt til tilskot til Redningsselskapet.*
 - Teneste 4801 Juridisk honorar vert auka med 1,500 mill. kr*
- 5 Sektorbudsjettet til opplæring vert redusert med 2,500 mill. kr med slik fordeling:
 - Teneste 5100 Utgifter til lokale vert redusert med 0,910 mill. kr*
 - Teneste 5101 Vedlikehald og drift av skulebygg vert auka med 1,645 mill. kr*
 - Teneste 5151 Fellesutgifter vert redusert med 2,500 mill. kr*
 - Teneste 5590 Landsliner vert redusert med 0,735 mill. kr*
- 6 Fagskulen i Sogn og Fjordane får ei auka løyving på 0,469 mill. kr. Løyvinga vert dekkja innafor tilgjengelege midlar på teneste 5540 Fagskulen.
- 7 Sektorbudsjettet til samferdsle vert auka med 27,450 mill. kr med slik fordeling:
 - Teneste 7222 Fylkesvegar – drift og vedlikehald vert auka med 15,000 mill. kr*
 - Teneste 7210 Fylkesvegferjer vert auka med 7,600 mill. kr*
 - Teneste 7322 Båt – ekspress – lokalruter vert auka med 4,850 mill. kr*

8 Tilbakeførte midlar frå Innovasjon Norge på 1,638 mill. kr vert inntektsført på sektoren næring og kultur. Midlane vert nytta til breibandsatsing i 2019.

9 *Sektorbudsjettet til næring og kultur vert auka med 45,650 mill. kr med slik fordeling:
Teneste 7012 Bransjeretta satsing vert auka med 19,250 mill. kr
Teneste 7015 Nyskaping vert auka med 5,000 mill. kr
Teneste 7600 Muséer vert auka med 21,400 mill. kr*

Felles for alle søknadane må vere at dei er innanfor statstøtteregulverket og at prosjekta vert fullfinansierte. Fylkesrådmannen får i oppgåve å følgje opp søknadane innanfor rammene som er gjeve ovanfor.

10 Samla vert driftsbudsjettet saldert ved bruk av bufferfondet med 5,808 mill. kr

B. Det vert gjort slike endringar i kapitalbudsjettet for 2019

1 Investeringsprogrammet for bygg med tilhøyrande finansieringsplan vert endra i samsvar med vedlegg 4.

2 Investeringsprogrammet for fylkesveggar med tilhøyrande finansieringsplan vert endra i samsvar med vedlegg 5.

C. Andre områder

1 Rapportering på finansporteføljen i vedlegg 7 vert teken til vitande.

2 Rapportering på konsesjonskraftomsetjing i vedlegg 8 vert teken til vitande.

SAK 58/19 Skriv og meldingar fylkesutvalet 29. mai 2019.

Følgjande skriv og meldingar vart handsama:

1: Høyringsuttale frå Eid Formannskap til Statens Vegvesen.

2: Fråsegn frå Senterpartiet i Sogn og Fjordane - lik nettleige i heile landet

3a: Oppretting av mineralråd

3b: Naustdal kommune – framlegg til oppretting av mineralråd – mandat, organisering og ressursar.

VEDTAK:

Fylkesutvalet oppmodar Naustdal og Askvoll kommune om å ta initiativet til å etablere eit Mineralråd. Fylkesutvalet er innstilte på å oppnemne våre representantar i eit slikt mineralråd.

Vi ber om ei sak på økonomisk bidrag frå fylkeskommunen.

4: Kommuneøkonomiproposisjonen – kulturminneområdet

SAK 59/19 Sal av fylkeskommunen sine aksjar i Firda Billag AS

VEDTAK:

1. Fylkesutvalet godkjenner vedlagde avtale om sal av fylkeskommunen sine aksjar i Firda Billag AS til Firda Billag AS.
2. Fylkesrådmannen får fullmakt til å følgje opp gjennomføringa av avtalen.

-----//-----

Fylkesutvalet vurderte Gunhild Berge Stang som habil til å delta ved handsaming av saka, jf. forvaltningslova § 6 andre ledd.

SAK 60/19 Sogn og Fjordane fylkeskommune sin eigarskap i Sogn og Fjordane Energi AS - fordeling av aksjar i Sogn og Fjordane Holding AS på kommunane

VEDTAK:

Fylkesutvalet rår fylkestinget til å gjere slikt vedtak:

- 1 Fylkestinget i Sogn og Fjordane har til hensikt å overføre 80 prosent av fylkeskommunen sine aksjar i Sogn og Fjordane Holding AS til dei kommunane i dagens Sogn og Fjordane fylke som vil vere ein del av Vestland fylke frå 1. januar 2020. Overføringa skal skje med utgangspunkt i kommunestrukturen i 2019 og etter ein fordelingsnøkkel der 65 prosent av aksjane vert fordelte etter kommunane sitt folketal per 1. januar 2019 og 35 prosent vert fordelte likt mellom kommunane, jf. vedlegg 5, alternativ 1.

Overføringa til kommunane føreset at

- det vert rettskraftig avgjort at overføringa ikkje utløyser forkjøpsrett til Sogn og Fjordane Holding AS sine aksjar i Sogn og Fjordane Energi AS
- styret i SFE gjev samtykke til overføringa til kommunane
- kommunane får konsesjon frå Olje- og energidepartementet til å eige
- aksjeoverføringa ikkje får negative konsesjonsrettslege konsekvensar for Sogn og Fjordane Energi AS eller selskapet sine dotterselskap.

- 2 Fylkestinget godkjenner vedlagte gåvebrev (1) til kommunane og vedlagde aksjonæravtale (2) mellom fylkeskommunane og kommunane. Fylkestinget sluttar seg vidare til at Sogn og Fjordane Holding AS endrar sine vedtekter i samsvar med vedlegg 3.

Aksjane til kommunane vert overførte på dei vilkåra som følgjer av desse dokumenta, dvs. vedlegga 1-3.

- 3 Dersom føresetnadene i pkt. 1 vert oppfylte, får fylkesrådmannen i oppgåve - så snart som mogleg - å overdra aksjane i Sogn og Fjordane Holding AS til dei aktuelle kommunane i Sogn og Fjordane.

- 4 Dersom føresetnadene i pkt. 1 ikkje vert oppfylte, ber fylkestinget generalforsamlinga i Sogn og Fjordane Holding AS gjere vedtak om endringar i selskapet sine vedtekter i samsvar med vedlegg 4.
